

სახელმწიფო შესყიდვის ხელშეკრულება N13
CPV: 70200000 - კერძო საკუთრების იჯარა ან ლიზინგი

თბილისი

07 ნოემბერი, 2016 წელი

ერთის მხრივ - ა(ა)იპ - ქ. თბილისის ქართული ფოლკლორის მოსწავლეთა სასახლე (შემდგომში - შემსყიდველი), დირექტორის თამაზ ანდლულაძის სახით (შემდგომში „შემსყიდველი“) და მეორეს მხრივ - სსიპ - თბილისის ვ. სარაჯიშვილის სახელმწიფო კონსერვატორია (შემდგომში „მიმწოდებელი“), ადმინისტრაციის ხელმძღვანელის ნიკოლოზ ხორბალაძის სახით, „სახელმწიფო შესყიდვების შესახებ“ საქართველოს კანონის, გამარტივებული შესყიდვის კრიტერიუმების და გამარტივებული შესყიდვის ჩატარების წესის საფუძველზე, გამარტივებული შესყიდვის საშუალებით, ვდებთ წინამდებარე ხელშეკრულებას შემდეგზე:

1. ხელშეკრულების საგანი და ობიექტი

- 1.1. ხელშეკრულების საგანია - წინამდებარე ხელშეკრულების საფუძველზე, მიმწოდებლის მიერ შემსყიდველისათვის შემდეგი სახის მოსახურების გაწევა:
- მიმწოდებელი უთმობს კონსერვატორის დიდ დარბაზს 2016 წლის 12 ნოემბერს - ღონისძიების გასამართად, უწევს ტექნიკურ მომსახურებას, რაც დაკავშირებულია ღონისძიების გამართვასთან (შემდგომში ყოველივე მოხსენებულია როგორც „მომსახურება“);

2. მომსახურების ღირებულება და ანაზღაურების პირობები

- 2.1. მომსახურების ჯამური ღირებულება 1.1. პუნქტებში გათვალისწინებული მომსახურებისათვის განისაზღვრება 3 000,00 (სამიათასი) ლარით.
- 2.2. შემსყიდველის მიერ მომსახურების ანაზღაურება წარმოებს უნაღდო ანგარიშსწორებით შესაბამისი მიღება-ჩაბარების აქტის გაფორმებიდან 10 კალენდარული დღის განმავლობაში.

3. მიმწოდებლის უფლება-მოვალეობები და პასუხისმგებლობა

3.1. მიმწოდებელი ვალდებულია:

- ა) უზრუნველყოს ამ ხელშეკრულებით გათვალისწინებული სამუშაოების შესრულება
სრულყოფილად და ხარისხიანად;
- 3.2. მიმწოდებელი არ იღებს პასუხისმგებლობას შემსყიდველის წინაშე იმ შეთხვევაში, თუ:
- ა) შემსყიდველის მიერ დროულად არ იქნა შესრულებული მიმწოდებლის ზეპირი ან წერილობითი რეკომენდაციები, მითითებები და მოთხოვნები;
- ბ) შემსყიდველმა ღონისძიების გამართვის ორგანიზებისათვის მიმწოდებელს მიაწოდა ის დოკუმენტაცია ან/და ინფორმაცია, რომელიც არ შეესაბამებოდა სინამდვილეს.

4. შემსყიდველის უფლება-მოვალეობები და პასუხისმგებლობა

4.1. შემსყიდველი ვალდებულია:

- ა) არაუგვიანეს შესაბამისი მიღება-ჩაბარების აქტის გაფორმებიდან 10 (ათი) დღის განმავლობაში სრულად აუნაზღაუროს მიმწოდებელს ხელშეკრულებით გათვალისწინებული თანხა;
- ბ) იმ შემთხვევაში, თუ შემსყიდველის მიერ არ განხორციელდება წინამდებარე ხელშეკრულების 4.1. მუხლის „ა“ ქვეპუნქტით გათვალისწინებული ვალდებულების მიმწოდებლისათვის დროული და ჯეროვანი შესრულება, შემსყიდველს პირგასამტებლოს სახით დაეკისრება სრული სახელშეკრულებო ღირებულების 0.02%-ის გადახდა ყოველ ვადაგადაცილებულ დღეზე;
- გ) დროულად მიაწოდოს მიმწოდებელს ხელშეკრულებით გათვალისწინებული მომსახურების გაწევისათვის საჭირო დოკუმენტაცია ან/და ინფორმაცია;
- დ) მიმწოდებლის მოთხოვნისთანავე მისცეს მას ზეპირი ან წერილობითი ახსნა-განმარტება ხელშეკრულებით გათვალისწინებული მომსახურების გაწევასთან დაკავშირებით;
- ე) შემსყიდველი ვალდებულია მოიპოვოს ყველა აუცილებელი ლიცენზია ან ნებართვა საჯარო შესრულებისათვის. შემსყიდველი ასევე იძლევა გარანტიას, რომ არ არღვევს მესამე მხარის საავტორო უფლებას, ან შესრულების, ლიტერატურულ, ინტელექტუალურ ან მხატვრულ უფლებას ან პრივილეგიას და რომ საავტორო ჰონორარები, ლიცენზიის საზღაურები და სხვა გადასახდელები

ამ მიმართულებით არის ან იქნება გადახდილი დროულად. იმ შემთხვევაში, თუ შემსყიდველი დაარღვევს ზემოაღნიშნულ გარანტიებს და საავტორო უფლებების უნებართვო გამოყენების გამო მიმწოდებელს დაუდგება მესამე პირის მიმართ რაიმე სახის ზიანის ანაზღაურების ვალდებულება, შემსყიდველმა სრულად უნდა აუნაზღაუროს მიმწოდებელს ამ უკანასკნელის მიერ მესამე პირებისათვის გადახდილი ან/და გადასახდელი თანხები.

4.2. შემსყიდველი უფლებამოსილია:

მოითხოვოს მიმწოდებლის წერილობითი ან ზეპირი განმარტებები იმ საკითხებთან დაკავშირებით, რომელიც შედის მიმწოდებლის კომპეტენციაში.

5. კონფიდენციალურობა

5.1. მხარეები იღებენ ვალდებულებას ყველა ის ინფორმაცია რაც მათთვის ცნობილი გახდა წინამდებარე ხელშეკრულებასთან დაკავშირებით, ასევე ხელშეკრულების პირობები, არ გააცნონ გარეშე პირებს.

6. დავათა გადაწყვეტა

6.1. მხარეთა შორის წინამდებარე ხელშეკრულების შესრულებასთან დაკავშირებით წარმოშობილი ყველა დავა და უთანხმოება წყდება ურთიერთშეთანხმებით. შეუთანხმებლობის შემთხვევაში ამ ხელშეკრულებასთან დაკავშირებით წარმოქმნილი ნებისმიერი დავა, მათ შორის თვით ამ ხელშეკრულების არსებობის, ნამდვილობის, შეწყვეტის ან ბათილობის საკითხი, განსახილველად და საბოლოო გადაწყვეტილების მისაღებად გადაეცემა სასამართლოს.

7. ხელშეკრულების ვადამდე შეწყვეტა

7.1. თუ მხარე არ ასრულებს ხელშეკრულებით მასზე დაკისრებულ ვალდებულებებს, მეორე მხარე უფლებამოსილია ვადაზე ადრე შეწყვიტოს ხელშეკრულება მხარისათვის წინასწარი წერილობითი შეტყობინების გაგზავნის გზით.

8. ფორს-მაჟორული გარემოებანი

8.1 მხარეები თავისუფლდებიან პასუხისმგებლობისაგან ამ ხელშეკრულებით ნაკისრი ვალდებულებების შეუსრულებლობისათვის (არაჯეროვანი შესრულებისათვის) თუკი ასეთი შეუსრულებლობა გამოწვეული იყო დაუძლეველი ძალის ზემოქმედებით (ფორს-მაჟორი);

8.2 ამ ხელშეკრულების მიზნებისათვის დაუძლეველი ძალის გარემოებად მიიჩნევა ისეთი გარემოებები, რომლებიც წარმოიშვნენ მხარეთა ნებისაგან დამოუკიდებლად (სტიქიური უბედურებები, საომარი მოქმედებები, მიწისძვრა, ხანძრი, აფეთქება, ქარიშხლი, წყალდიდობა, კონფისკაცია ან სახელმწიფოს მიერ განხორციელებილი სხვა ქმედებები);

მხარე, რომელიც ვერ ასრულებს ნაკისრ ვალდებულებებს დაუძლევევლი ძალის გარემოებებათა გამო, ვალდებულია ამის შესახებ დაუყოვნებლივ აცნობოს მეორე მხარეს წერილობით. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველ გარემოებათა არსებობის დამადასტურებელი დოკუმენტი;

8.3. ეს მუხლი არ ეხება შემთხვევას, როცა საქართველოს სახელმწიფო ორგანოს მიერ მასობრივი ინფორმაციის საშუალებებით გაცხადებულ იქნა ოფიციალური ინფორმაცია 8.2 პუნქტით განსაზღვრული მოვლენის დადგომის შესახებ და ამ მოვლენამ არსებითად ხელი შეუშალა მხარეს ხელშეკრულებით განსაზღვრული მოვალეობის შესრულებაში.

9. ხელშეკრულების მოქმედების ვადა

9.1 ხელშეკრულება ძალაში შედის ხელმოწერისთანავე და მოქმედებს მხარეთა მიერ თავიანთი ვალდებულებების შესრულების დასრულებამდე, არაუგვიანეს 2016 წლის 31 დეკემბრისა.

10. დასკვნითი დებულებები

10.1. წებისმიერ ცვლილებას ან დამატებას ძალა აქვს მხოლოდ იმ შემთხვევაში, თუ ისინი შედგენილია წერილობით და ხელმოწერილია ორივე მხარის მიერ;

10.2. ხელშეკრულების მოქმედების შეწყვეტა (დასრულება) არ შეიძლება გახდეს მხარეთა მიერ იმ პასუხისმგებლობისაგან და შეუსრულებელი ვალდებულებებისაგან თავის არიდების საფუძველი, რომლებიც ხელშეკრულების მოქმედების პერიოდში წარმოიშვა;

10.3. ხელშეკრულების რომელიმე დებულების შათილობა არ იწვევს ხელშეკრულების სხვა დებულებების ან მთლიანად ხელშეკრულების აცტომატურ ბათილობას.

10.4. ხელშეკრულება შედგენილია ორი იდენტური და თანაბარი ძალის მქონე ეგზემპლირად, რომელიც ხელმოწერილია მხარეთა მიერ და ინახება მხარეებთან.

11. მხარეთა რეკვიზიტები

შემსყიდველი	მიმწოდებელი
ა(ა)იპ - ქ. თბილისის ქართული ფოლკლორის მოსწავლეთა სასახლე	სსიპ - თბილისის ვ. სარაჯიშვილის სახელობის სახელმწიფო კონსერვატორია
ს/ნ 202056069 თბილისი, აღმაშენებლის გამზ.N103	ს/ნ 203850813 თბილისი, ალ. გრიბოედოვის ქ.№8/10
სახელმწიფო ხაზინა კოდი - TRESGE22 ანგ. N GE24NB0330100200165022	კოდი - TRESGE22; სახელმწიფო ხაზინა კოდი - TRESGE22 ანგ.N 708907019
დირექტორი თამაზ ანდლულაძე	ადმინისტრაციის ხელმძღვანელი ნიკოლოზ ხორხელაძე